

cionn aghaidh, am feadh 'fa bha e còmhraidh ris.

30 Agus dh'amhairc Aaron agus clann Israeil uile air Maois; agus feuch, dhealraich croicionn aghaidh, agus bha eagal orra teachd am fagus da.

31 Agus ghairm Maois orra, agus phill Aaron agus nachdarrain a' choi'-thionail uile d'a ionnsuidh: agus rinn Maois còmhraidh riu.

32 Agus 'na dhéigh fin thàinig clann Israeil uile am fagus da; agus dh'aithn e dhoibh na h-uile *nithe* a labhair an Tighearna ris ann an sliabh Shinaì.

33 Agus sguir Maois a labhairt riu; agus chuir e gnùis-bhrat^a air aghaidh.

34 Ach an uair a chaidh Maois a steach 'an lathair an Tighearna a labhairt ris, thug e 'n gnùis-bhrat deth, gus an d'thàinig e mach. Agus thàinig e mach, agus labhair e re cloinn Israeil *an ni fin* a dh'aithneadh dha.

35 Agus chunnaic clann Israeil aghaidh Mhaois, gu'n do dhealraich croicionn aghaidh Mhaois: agus chuir Maois an gnùis-bhrat air aghaidh a' gus an deachaidh e stigh a labhairt ris.

C A I B. XXXV.

AGUS chruinnich Maois coi'-thional chloinn Israeil uile ri a chéile, agus thubhairt e riu, Sin na nithe^b a dh'aithn an Tighearna, gu'n deanadh sibh iad.

2 Sè laithean nìthear obair, ach bithidh an feachdamh là dhuibh 'na là naomha, 'na shàbaid thàimh do'n Tighearna:

ge b'e neach a nì obair air, cuir ear gu bàs e.

3 Cha'n fhadaidh sibh teine 'sam bith air feadh bhur n-àitea-cha-còmhnuidh air là na sàbaid.

4 Agus labhair Maois re coi'-thional chloinn Israeil uile, ag ràdh, So an ni a dh'aithn an Tighearna, ag ràdh,

5 Togaibh 'nar measg tabhartas do'n Tighearna: gach neach *aig am beil* cridhe toileach, thugadh e leis e, tabhartas do'n Tighearna; òr, agus airgid, agus umha,

6 Agus gorm, agus corcur, agus scarlaid, agus anart grinn, agus *fonna* ghabhar,

7 Agus croicne reitheachan air an dath' dearg, agus croicne bhroc, agus fiodh sìtim,

8 Agus oladh air son soluis, agus spìofraidh air son cladh-ungaidh, agus air son tùis chàbhraidh,

9 Agus clachan onics, agus clachan a chum an ceangal, air son na h-ephoid, agus air son na h-uchd-éididh.

10 Agus thigeadh gach duine glic-chridheach 'nar measg, agus deanadh e gach *ni* a dh'aithn an Tighearna;

11 Am pàillium, a bhùth, agus a chòmhdach, a chromagan, agus a bhuird, a chreinn, a phostan agus a bhuinn;

12 An àirc agus a bataichean, cathair-na-tròcair agus roinn-bhrat a' chòmhdach;

13 Am bord agus a bhataichean, agus a shoithichean uile, agus an t-aran taibheanta^c;

14 Agus an còimleir a chum

^a còmhdach; veil. *Saig.* ^b briathra. ^c aran na fianuis.